



**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

3. Occulta patefiunt aut citius.

---

[urn:nbn:de:hbz:466:1-68709](#)

tes exemplo saxeō, ut perinde caveant labi & errare linguā quām pedibus.

III. (c) Tertius in hoc figmento morali institutioni locus est: Ne quis putet sua vitia & peccata, perpetua nocte sepelienda, et si aliquantis per occultet; nam juxta concūlcatum versiculum:

Quidquid nix celat, solis calor omne revelat. Nihil est enim tam abditum, & tam abstrusum, quod non vel proferat aetas, vel manifestent libri. Quid enim aliud per arundines loquaces, quām scriptorum calami designantur, qui vitia, quamlibet occulta, non sinunt in umbra latere? Ubi iterum sibi caveant, qui quō sublimiores sunt, tanto conspectius, suo tempore, crimen habent. De Davide ex sacra Historia constat, quid ei, post alienum thorū, occulte, ut credebat, violatum, in faciem ingesserit *Nathan Propheta*: *Tu enim fecisti absconditē: ego autem faciam verbum istud in conspectu omnis Israēl, & in conspectu Solis* 2. Reg. 12. Publica scilicet poena sceleris, inficta per Absalonem incestum, ostendit crimen, quod patraverat parens. De C. Julio Cæsare scribitur, eum calvitio suo celando, gestare coronam lauream solitum fuisse. Sed nimirum arundines scriptoriæ produnt magnorum etiana capitum seu deliria, seu flagitia. Sic (ut aliquid in gratiam eruditio-  
nis delibem) ex Suetonij Tranquilli calamo habemus, Caligulam Imp. Rom. capillamento & veste longiore, celatum, noctibus ganeas perreptāsse; pulchros & comatos, quoties sibi occurserent, occipitiō rasō deturpasse; equo suo, cui nomen *Incitato*, præsepe eburneum instruxisse, consulatum quoque destināsse. Contrectandæ pecunia cupidine flagrantem, sāpē super immensos aureorum acervos aut nudis pedibus spatiatum, aut toto corpore volutatum fuisse. Vitellium abdomini natum, patinam, cui fornax in campo ædificanda erat, dedicāsse, eamque ob immensam magnitudinem *clypeum Minervæ* appellāsse. Ex Quinto Curtio Rufo intelligimus, Alexandrum illum Magnum Persepolin urbem Persiæ nobilissimam in gratiam vilissimi scorti incendisse; ipsumque Babylone in potatorum certamine extinctum fuisse. Hæc aliaque coronatorum capitum olim commissa dedecora, quis sciret, nisi scribentium arundines ea prodidissent? Adeo nihil est tam profundè in antiquitate, & abdita scelerum fovea defossum, quod non eruatur per calamos, & propaletur in orbe. Huc facit Satyricus:

C 5

O Cory,

(c) *Occulta revelantur.*

O Corydon, Corydon secretum divitis ullum  
Esse putas? servi ut taceant, jumenta loquentur,  
Et canes, & postes, & marmora clade fenebras,  
Vela tegant rimas, junge ostia tollito lumen  
E medio; clament omnes.

## SYMBOLVM VI.

Prometheus *προμηθεύς*, seu formator  
hominis.

*Ovid Metamorph. 1. Horat. lib. 1. Od. 3. Hesiodus, alij.*

## Ethica.

1. Hominis indeles.
2. Quinam meliore de luto facti.
3. Pecus hominis vivarium ferarum.
4. Hominis nobilitas.
5. Sciendi curiositas.

**I**Apetus procerissimæ staturæ gigas, natione Thessalus, Atlanteum, E-  
pimetheum, & Prometheus suscepit; hic Deucalionem genuit, de  
quo infra Primus hominem è luto finxisse fingitur Prometheus, felici  
adèò successu, ut ipsius solertia admirata Minerva, obtulerit ultrò, si-  
quid ad sui absolutionem operis desideraret eorum, quæ in cœlo sunt.  
Cui Prometheus, negat se posse dicere, quid sibi ex ijs foret utile, quæ  
nunquam usurpasset oculis. Itaque Minervæ auxilio in cœlum evehi-  
tur: omnia ibi curiosè circumlustrat; ad solem ipsum defertur; adver-  
tit ignem in illo purissimum splendescere. & quoniam homo ab ipso ef-  
fectus, adhuc insensibilis erat statua, & nullo motu prædicta, existimavit  
simulacro suo animando convenientissimum esse vigorem illum igneum,  
quem in sole contemplatur. Ferulam igitur corripit, solari rotæ admo-  
vet, flammam rapit, eamque in terras delatam, ubi luteæ imagini inse-  
ruit, cœpit illa protinus se movere, & ipsum artificem stupore defigere.  
Gravissime tulit id furtum Jupiter, ideoque generis omnis pestes in or-  
bem immisit, uti testatur Venusinus I. c.

Audax Japeti genus  
Ignem fraude mala gentibus intulit.  
Post ignem ætheria domo.

Sub-

